

皇清經解續編

皇

清

經

解

集

編

九經古義述首

漢人通經有家法故有五經師訓詁之學皆師所口授其後乃著竹帛所以漢經師之說立於學官與經並行五經出於屋壁多古字古言非經師不能辨經之義存乎訓識字審音乃知其義是故古訓不可改也經師不可廢也余家四世傳經咸通古義守專室呻稿簡日有省也月有得也歲有記也顧念諸兒尚幼日久失其讀有不殖將落之憂因述家學作九經古義一書吾子孫其世傳之母隳名家韻也惠棟識

九經古義目次

卷弟一 卷弟二

周易

卷弟三 卷弟四

尚書

卷弟五 卷弟六

毛詩

卷弟七 卷弟八

周禮

卷弟九 卷弟十

儀禮

卷十一 卷十二

禮記

卷十三 卷十四

左傳

公羊

卷十五

穀梁

卷十六

論語

皇清經解卷三百五十九

學海堂

九經古義

元和惠徵君棟著

周易上

說文曰秘書說日月爲易象陰陽也虞仲翔易注引參同契亦

云字从日下月

參同契曰易謂坎離又日月爲易所謂秘書者參同之類也

坤初六象履霜堅冰陰始凝也案文冰當作氷凝當作冰尔疋
釋器云冰脂也郭璞曰莊子云肌膚若冰雪冰雪脂膏也孫炎
本作凝脂云膏凝曰脂詩云膚如凝脂卽冰脂也古文尙書亦
以冰爲凝說文云凝俗冰字

六二直方大鄭注云直也方也地之性此爻得中氣而在地
上自然之性廣生萬物故生動直而且方熊氏經說云鄭氏古易

皇清集 卷三
云坤爻辭履霜直方含章括囊黃裳玄黃協韻故象傳文言皆
不釋大疑大字衍

坤至柔而動也剛九家易曰坤一變而成震陰動生陽故動也
剛宋時臨安僧曇瑩云動者謂爻之變也坤不動則已動則陽
剛見焉在初爲復在二爲師在三爲謙自是以往皆剛也洪景
廬以其言爲善而不知漢易已有是說矣

屯初九磐桓利居貞秋下旬碑作股桓釋文云本亦作盤案
古盤字皆作般與股同尙書盤庚蔡邕石經作般此與漸六二

磐字皆當作般

郊祀志云鴻漸于般
孟康曰般水涯堆也

上六泣血漣如棟案漣本波瀾之字說文引作漣或古外立心
篆書水心相近故誤爲漣陸德明亦引說文而不云字異明不

从水旁淮南子引此經又作連从省文

毛詩泣涕漣漣亦當从心連聲

蒙象曰匪我求童蒙童蒙求我高誘引云童蒙來求我釋文云

一本有來字

初六以往吝說文引作遴云行難也棟案史書遴本吝字

見江簡

此易經古文漢書魯安王晚節遴王莽傳性實遴嗇廣雅曰遴

𨔵也音良鎮反小顏云遴讀與吝同周伯琦六書正譌云遴行

難从人遴聲又謹選也別作遴非是與說文漢書異

需象曰君子以飲食宴樂棟案歸藏易需卦之需作溲

說文犬部云儒

从犬需聲讀若樛奴豆切是需有樛音

禮記儒行曰飲食不溲鄭氏注云恣滋味

為溲溲之言欲也故象言飲食宴樂左傳昭十五年傳云辱必

求之吾助子請

說苑敬慎篇云諺曰誠無垢思無辱辱與垢協是讀為溲

服虔曰辱欲也古

文易不可攷然溥字不爲無說

鄭氏注易云
需讀爲秀

九二需于沙鄭本沙作汔棟案汔當作汔與沙同說文云沙水散石也久水从少水少沙見譚長說沙或作汔从止穆天子傳

云天子東征南絕沙衍辛丑天子渴於沙衍求飲未至

郭璞云
沙衍水

中有
沙者

水少沙見故象云需於沙衍或以衍屬下句讀非也

訟上九終朝三褫之說文云褫奪衣也讀若池鄭康成本作三

扞之音徒可反棟案淮南人閔訓云秦牛缺遇盜扞其衣被高

誘曰扞奪也是扞與褫字異而義同晁以道讀爲扞紳之扞楊

慎以爲終朝三扞之以誇於人真小兒強解事也

扞紳之扞本
作扞見說文

師貞丈人吉康成注云丈之言長能御衆有正人之德以法度

爲人之長吉而无咎王弼曰丈人嚴莊之稱也棟案彖辭言能

以衆正可以王矣此有天下之稱也謂之丈人可乎易緯乾鑿度孔子曰易有君人五號也帝者天稱也王者美行也天子者爵號也大君者與上行異也大人者聖明德備也變文以著名題德以別操歷舉五號獨不及丈人知丈人非王者之稱也崔憬曰子夏傳作大人謂王者之師斯得之矣

比彖曰比輔也案鄭氏尚書云邶成五服至於五千

說文同作邶云輔信

也

注云敷土既畢廣輔五服之數而成之面方各五千里四面

相距爲方萬里禹所受地記書曰崑崙山東南地方五千里名曰神州禹邶五服之幾數亦每服者各五百里故有萬里之界萬國之封比輔也輔成五服此建萬國之象比比也有孚盈缶此親諸侯之象所謂先王者其夏后氏乎

九五王用三驅鄭本作毆案說文驅馬馳也古文作毆从支漢書皆以毆爲驅康成傳費氏易費直本皆古字號古文易當从之是正

小畜九五有孚攣如依字當作攣古戀字子夏傳作戀案隸釋漢唐公昉碑及景君碑皆以攣爲戀知古文戀字作攣也

履九二幽人貞吉虞翻曰訟時二在坎獄中故稱幽人象曰幽人貞吉中不自亂也虞云雖幽訟獄中終辨得正故不自亂荀卿子曰公侯失禮則幽注云如晉文執衛成公寘諸深室禮說云今學者輒曰高士爲幽人非也

九四愬愬終吉說文引作𨾏𨾏馬季長本同呂覽引作愬愬高誘曰愬讀如𨾏

上九視履考祥丙子學易編云考祥古本或作詳晁氏曰荀
作詳審也文意尤順棟謂古祥字皆作詳石經尚書及左傳公
羊猶然

泰九二包荒說文引作荒从川亾云水廣也釋文云本亦作荒

音同

鄭氏云荒讀爲康虛也穀梁傳云四穀不升謂之康康是虛荒之名其義同也

六五帝乙歸妹虞翻以帝乙爲紂父荀爽以帝乙爲湯

見本易傳

乾鑿度孔子曰自成湯至帝乙帝乙湯之玄孫之孫也此帝乙
卽湯也殷錄質以生日爲名順天性也玄孫之孫外絕恩矣同
以乙日生疏可同名湯以乙生嫁妹本天地正夫婦夫婦正則
王敎興矣故易之帝乙爲成湯書之帝乙六世王同名不害以
明功

同人九五同人先號咷而後笑毛居正六經正誤云後笑作笑
誤案笑字古作𦇧从八象眉目悅兒後轉作竹轉作天天𦇧之
兒天本有點省文作天俗訛作笑東坡謂以竹擊犬有何可笑
者戲言以譏王荆公字說之穿鑿耳棟案笑字古文皆作𦇧說
文無笑字李陽冰刊定說文始从竹从夭義云竹得風其體天
屈如人之笑故毛氏據以爲說非也古本漢書薛宣傳云壺矢
相樂應劭曰以壺矢相樂也今本云壹𦇧相樂晉灼曰書篆形
壹𦇧字象壺矢因曰壺矢然則𦇧爲古笑字審矣李陽冰多臆
說吾所不取

謙亨君子有終子夏傳作𦇧案漢書藝文志曰易之𦇧𦇧封禪
文云𦇧讓而弗發尹翁歸傳云溫良𦇧退師古曰𦇧古𦇧字史

記樂書及馮煥燧碑皆以謙爲謙汗簡云

豕曰鬼神害盈而福謙京房作富謙後漢劉修碑亦云鬼神富謙郊特牲云富也者福也

豫豕曰四時不忒京房忒作貳尙書洪範曰衍忒史記引作貳管子曰如四時之不貳如星辰之不變皆古忒字月令云無或差貸貸卽忒也呂覽正作忒貸當爲貳字之誤

九四曰朋盍簪侯果云朋从大合若以簪簪之固括也案士冠禮云皮弁笄鄭注云笄今之簪說文曰先首笄也从人匕象簪形俗先作簪从竹替然則簪本作先經傳皆作笄漢時始有簪名侯氏之說非也子夏鄭玄張揖王弼皆訓簪爲疾或云速明非簪字陸德明曰古文作貳京房作擗馬作臧荀作宗虞翻作戢

云坤爲益戢聚會也坎爲聚坤爲衆衆陰並應故明益戢戢舊

讀作摺作宗禮說曰戢與得協韻當从虞義

玉篇戢音之力切鄭氏尙書云厥土

赤戢墳
讀曰熾

隨初九官有渝蜀才作館案官本古文館穆天子傳云官人陳
牲聘禮云管人布幕于寢門外鄭注云管猶館也古文管作官
觀上九觀其生君子无咎京房曰言大臣之義當觀賢人知其
性行推而貢之京以觀之內象陰道已成威權在臣故有是象
噬嗑象先王以明罰敕法釋文作勅恥力反云此俗字也字林
作勅鄭云勅猶理也一云整也毛居正六經正誤云勅法監本
誤作敕舊作勅紹興府注疏本建安余氏本皆作勅伏觀高宗
皇帝御書石經作勅法鄭康成解勅爲理是漢以來作勅字也

顧氏金石記云勅者自上命下之辭前漢皆作敕後漢始變爲勅五經文字曰敕古勅字今相承皆作勅郭宗昌金石史以爲從來効力別音資今尙書皋陶謨益稷康誥多士詩楚茨易噬嗑大象之文並作勅又何說也周禮樂師詔來瞽皋舞注云來勅也勅爾瞽率爾衆工奏爾悲誦肅肅雍雍母怠母凶鄭康成漢人也其訓來爲勅又何哉棟案訓來爲勅此先鄭之言後鄭所不從顏氏以爲康成誤矣郭氏訓勅爲資蓋本張有復古編案秦和鍾云萬生是敕或訓爲賴是敕亦可讀爲賴則敕亦非古字矣古字省多借飭爲勅或作飾漢藝文志引易云明罰飭法史記五帝紀云信飭百官徐廣曰飭古勅字雜卦云蠱則飭也

高誘呂覽注云飾讀爲勅勅正也離俗兒